

1
S AN C T I S S . D . N . S I X T I
diuina prouidentia. P P . V .

*Contra Procurantes, Consulentos, et Consentientes,
quocumq; modo Abortum.*

C O N S T I T U T I O .



SIXTVS EPISCOPVS SERVVS SERVORVM DEI,
Ad perpetuam rei memoriam.

AFFRENATAM Perditissimorum hominum contra diuinæ legis præceptum de non occidendo, peccandi audaciam, atque licentiam sanctissimis legibus, varijsq; constitutionibus sæpius repressam animaduertentes cogimur nos quoq; in supremo iustitiæ throno a Domino cõstituti, iustissimam ratione suadente, vetera fura partim in nouando, partim ampliando, eorum etiam immanitatem pari poena propolita coerere, qui immutaturos foetus intra materna viscera adhuc latentis crudelissime necare non verentur. Quis enim non detestetur tã execrandum facinus, per quod ne dum corporum, sed quod grauulus est, etiam animarum certa iactura sequitur? Quis non grauissimis supplicijs damnet illius impietatem, qui animam Dei imagine insignitam, pro qua redimenda Christus Dominus noster pretiosum sanguinem fudit, æternæ capacem beatitudinis, & ad cõsortium Angelorum destinatam a beata Dei visione exclusit, reparationem cœlestium sedium quã tam in ipso fuit impediuit, Deo seruitium suæ creaturæ ademit, qui liberos prius vita priuauit, quam illi a natura propriam lucem accipere, aut se materni custodia corporis ab efferata sæuitia tegere potuerint? Quis non abhorreat libidinosam impiorum hominum crudelitatem vel crudelẽ libidinem, quæ cõsurgit processit, vt etiam venena procuret ad conceptos foetus intra viscera extinguendos & fundẽdos, etiam suam prolem prius interire, quam viuere, aut si iã viuere, occidi antequã nasci nefario scelere moliendo? Quis deniq; non damnet grauissimis supplicijs illorum scelera, qui venenis, potionibus, ac maleficis mulieribus sterilitatem inducunt, aut ne concipiant, neu pariant maleficis medicamentis impediunt? aleticos, inquit Dominus ad Moysen, nõ patieris viuere: nimis enim

*S. Aug.
lib. 1. de
Nupt. &
Cocupisc.
cap. 115.
Exod. c.
22.
S. Hier. in
Epist. con
tra Rufi-
num.*

A impu.

IN SUPER. Vt immanissimam huius dilecti gravitati non solum temporibus, verum etiam spiritualibus poenis prospiciamus, ac provideamus; omnes & singulos cuiuscunque status, gradus, ordinis vel conditionis existentes, tam laicos quam clericos seculares, & cuiuscunque ordinis regulares, nec non mulieres seculares, vel quemcumque ordinem professas, qui vel quæ vel uti principales vel ut sociæ conscientie ad tale factus committendum operum, consilium, favorem, portionem, vel alia cuiuscunque generis medicamenta scienter dederint, ac etiâ scribendo litteras priuatas vel apochas vel alias verbis aut signis iouerint, aut consulerint (vltia supradictas poenas) ipso facto, nunc prout ex tunc excommunicamus, & pro excommunicatis declaramus. Decernentes ac declarantes, quod per quemcumque iubileis, & Indulgentias per nos & successores nostros etiam anno iubilæi, aut alio quouis tempore etiam Cruciatæ sanctæ iubilæi vel quouis alio titulo concessas & concedendas, nec non per quemcumque litteras Apostolicas quibusuis Principibus, seu ad eorum instanciam per nos & successores nostros pariter concessas & concedendas, ac etiam vigore priuilegiorum mare magnū, vel alias quomodolibet nuncupatorū quibusuis Congregationibus Regulariū; aut Episcopis vigore Cœcilij Tridētini, vel alias per nos & prædecessores nostros quomodocumque cœcessorū, vel in futurum cœcedendorū, nec personæ sic ut præferatur delinquentes & excommunicatæ præterquam in mortis articulo, absoluti valeant; nec cū his Clericis qui huiusmodi delicta perpetraverint, etiam si eorum crimē occultū fuerit super Irregularitate præmissorum occasione contracta nec per locorū ordinarios nec per alios quauis auctoritate fungentes quam per nos & per Rom. Pont. nostræ, successores, & tunc non nisi urgentissimis de causis dispensari possit. Ac tam absoluendi quam dispensandi facultatē huiusmodi etiam quoad forum cōscientiæ in casibus superius expressis nobis & successoribus nostris dūtaxat referuamus; statuētes sic in præmissis vniuersis & singulis per quoscumque iudices ordinarios & delegatos etiâ caularū Pal. Apostolici Auditorēs & S. R. E. Cardinales sublata eis & eorū cuiilibet quauis aliter indicandi & interpretandi facultate & auctoritate in quauis causa & instātia iudicari & diffiniri debere. Irritumque & Inane quicquid secus super his a quoquam quauis auctoritate scienter vel ignorantē contigerit auterari. Nō obstantibus cōstitutionibus & ordinationibus Apostolicis, aut alijs legibus aliter forsan circa præmissa dispositis; aut in casibus præfatis distinguētib; cæterisq; cōtrarijs quibuscumque. Velimus autem, ut præsentium litterarum exemplis etiâ impressis manu Notarij publici subscriptis, & sigillo personæ in dignitate Ecclesiastica constitutæ nitis, eadē fides in iudicio & extra adhibeatur, quæ originalibus litteris exhibitis adhibetur. Quodq; eadē ad valuas Basilicæ Principis Apostolorū de Vrbe, & in acie Campifloræ de more publicatæ & affixæ, dimissis inibe earum exemplis post quindecim dierū sparium a die huiusce publicationis numerandos, quemcumque afficiant, ac si vniquique forent intimatæ, cum nō sit verisimile quæquam ea posse ignorare quæ palā ac publice fuerint euulgatæ. Nulli ergo omnino hominū liceat hanc paginam nostræ constitutionis, statutorum ordinationis, extensionis, decretorū, declarationum, voluntariū & mandati infringere aut ei ausu temerario contraire. Si quis autem secus id attemptare præsumperit, indignationem Omnipotentis Dei, ac Beatorum Petri & Pauli Apostolorum eius, se noverit incursum. Datum Romæ in Monte Quirinali. Anno Incarnationis Dominicæ, Millesimo Quingentesimo Octuagesimo Octauo, Quarto Kal. Nouembris, Pontificatus nostræ Anno Quarto.

E. Card. Prælati.

I. Ang. Papius.

Registrata apud Io. Angelum Secretarium.

S. de Vr finis.

Anno à Natiuitate Domini, Millesimo quingentesimo octuagesimo octauo, Indictione prima, die vero decima sexta mensis Nouembris, Pontificatus Sanctiss. in Christo Patris, & D. N. Sixti diuina providentia Papa V. Anno quarto: Retroscriptæ litteræ Apostolicæ affixæ & publicatæ fuerunt in Valuis Basilicarum S. Iohannis Lateranen. & S. Petri Principis Apostolorum de Vrbe, nec non Cancellaria Apostolica & acie Campifloræ, ut motū est per nos Horatium de Reynaldis & octauum Taglietum S. D. N. PP. Curss.

Alex. Parabiachus Mag. Curss.